

Vogeler, Peter Newman, Heinricus Purbardi, Michel Hirsfelder, Matthes Morgenstern, Matthes Richter, anno quo supra die eodem.

a-a) am linken Rand, Einfügestelle gekennzeichnet b) folgt durchgestrichen gebillt

1062.

1463 Februar 13

Nickel Ossing macht sein Testament.

fol. 201r Item Nickel Ossingk ist kommenn vor ein siczennden rath unnd hat do gekorn Wolfgang Rymer, seynen swager, zcu eynem volmechtigenn vormunde aller seyner guter den vorzuestehin,^{a)} weib unnd kinder, dy zcuvorsorgen, alsz lanng wisz om Got wyder zcu hausz gehylfft. Sunders zcuvorsorgung seiner muter sonderlich hat der gnante Ossingk aber uff iczunt uszen bliben ader hernach von todes wegen abeinge 12 ß gr beschyden ausz allin seynen gutern, alsz ab sy on uberlebete, unnd forder seynen bruder Matthes Ossingk beschydin unnd geeygent hat alle seyne menlich cleydere unnd plundern. Zcu sunder selikeit seyner selin zcu trost hat er in iczlich pharrekirchen beschyden 1 ß gr zcu Unnsern Liben Frauen, Katharinen unnde yn dasz closter auch ein ß, dasz mann ausz seynen guttern reichen sal, ab er uszin blibe unverzoglich, unnd wasz denne dornach bliben wurde an allin seynen gutern, sollin sich seyne erben unnd erbnemen uff glichenn teil dorusz teylin. Actum dominica post scolastice anno LXIII coram proconsule Nickel Storm et suorum consedentium.

a) Silbe zcu über die Zeile geschrieben

1063.

1463 Januar 26

Michel Walther regelt die Versorgung seiner Mutter.

fol. 201v-202r In dem namen Gotes, amen. Noch Cristi geburt, unßirs liben herrn, tausent virhundert unnd in dryunndsectzigisten am mitwochen sandt Policarpi desz heiligen mertes tag, der do ist den nesten tag noch sandt Pauls tag der bekerung zcu teucz gnant, in kegenwertikeit der erszam wyszin menner Nickel Vogeler, Matthes Morgenstern, Hans Roszinlecher, Nickel Lochman, Symon Walther, Mertin Schuman, alle burger zcu Czwigkaw, etc. haben dy erszam herrn Michil Walthir unnd Hans Brutigam lange und offte in yrem gemüte unnd hercze getragin, wy herr Michel seyne muter, dy do des obgnanten Hans Brutigamsz leiblich swester ist, bestellen unnd vorsehen mit irem drytteil, dasz sy genert unnd geczogenn würde, uff dasz in zcukunfftigen czeyten nicht not noch notdorfft leydin muste ir lebetage unnd